



UNIVERSITÄTS-
BIBLIOTHEK
PADERBORN

Universitätsbibliothek Paderborn

Spiritualis Thesaurus Missæ

Sánchez, Gaspar

Coloniae Agr[ippinae], 1619

Cap. 6. De Angeloru[m] præsentia, dum sacru[m] Missæ sacrificiu[m]
celebratur.

[urn:nbn:de:hbz:466:1-55223](https://nbn-resolving.org/urn:nbn:de:hbz:466:1-55223)

CAPVT VI.

DE ANGELO RV M PRAE-

sentia, dum sacrum Missa

sacrificium celebra-

tur.

CERTO certius cōstat, suum
vnicuiq; nostrum Ange-
lum custodem esse: qui nobis est
quodammodo nutricius, magi-
ster, socius, fidus amicus, du-
ctor, numquam à nobis vt
recedat, iuxta illud Prophetæ
testimonium Psalm. 90. *Angelis
suis mandauit de te, vt custodiant te
in omnibus vijs tuis, & comitentur
quocumq; te conferas. Non pa-
rū ad nos à peccando reuocādos*

E

4

pro-

profuerit, considerare, habere nos semper ad latus tam oculatum inspectorem, qui nos ubiuis locorum intuetur, & tam perspicacem operum nostrorum testem. Ergo, si quocumque me contulero Angelus mecum semper incedit, multò magis me comitabitur, quando Deo me in diuina eius domo presentabo. Hinc si in templo diuina audientes mysteria, centum numero simus, cogitemus oportet, uti reuera se res habet, esse in vniuersum ducentos, quandoquidem toti dem nobis quotquot sumus, assistunt Angeli, & quidem assistentiâ insigniori atque euidentiori, quàm

alijs

THESAURVS MISSAE. 57

alijs. in locis, adstant namque ut
nostras ad Deum orationes de-
ferant, ut colligere est ex illis
Raphaelis ad Tobiam verbis
Tob. II. *Quando orabas cum lac-
rymis, ego obtuli orationem tuam
Domino.* Cogitandum quoque,
non solos nostri causa Angelos
custodes Missæ assistere, verum
etiam & potius, innumeros pro-
pter Iesum Christum Dominum
nostrum adesse; non tamen ve-
lut Angelos eius custodes, qua-
les ipse non habuit, neque etiam
opus habuit, sed tantum velut
seruos, & fideles domus eius
ministros: quod, quandoquidem
Iesus Christus Dominus no-
ster, verus est Deus, dubium
non

non est, quin ad diuinæ maiestatis eius gloriam spectet. Testē habeo Daniele: Dan. 7. *Millia millium ministrabant ei, & decies centena millia assistebant ei*, nec modò in quantum Deus, verum etiam in quantum homo, omnes, illi seruiunt & adorant; nam talem ab omnibus Angelis filio suo incarnato exhiberi honorē vult Pater æternus, vti benè id notat Apostolus Hebræ. 1. Et *cùm iterum introducit primogenitum in orbem terræ, dicit, & adorarent eum omnes Angeli Dei* quod è Psalmo 96. testimonium depromptum est. quid verò aliud est *cùm iterum introducit primogenitum in orbem terræ, quàm*
myste.

THESAURVS MISSAE. 59
mysterium incarnationis omnibus manifestare? Duplici porro titulo Dominus Angelorum est Christus; primò, quòd sit Deus, & illos ipse creauerit, cum omnia per ipsum facta sint Ioann. i. Secundò, quòd ob Patris gloriam homo factus sit, propter quod Psalmo 8. omnia subiecit sub pedibus eius Pater, & absolutum & vniuersalem omnium creatorum Dominum illum constituit, & vt talem iussit eum vt Angeli adorarent: Ob hos ergo duos titulos ANGELI in templo præsentes sunt, vbi Verbum incarnatum, creatorem & DOMINVM suum, vident.

Et

Et tametsi omnibus omnino
Angelis hæc obligatio incum-
bat, tamen quoniam (vt secun-
do capite dictum est) in sacro
hoc mysterio Christum Domi-
num nostrum præsentem habe-
mus in omnibus beneficijs, quæ
in vita sua nobis præstitit, hinc
singulari quadam ratione præ-
sentes hic ipsi assistunt illi, qui
interim dum viueret illi mira-
strarunt. Quæ cum ita sint, præ-
sumus qui hic assistet, erit Ange-
lus Gabriel, vtpotè, qui olim
incarnationis futuræ legatus fu-
it, qui in somnis Iosepho appa-
ruit, illi declaraturus & certio-
rem redditurus, quòd concep-
tio in sponsa sua Maria, spiri-
tu

THESAURVS MISSAE. 68

tus sancti esset operâ perfecta,
& qui pastoribus lætum Salua-
toris nati nuntium attulit cum
magna alia Angelorû multitu-
dine, vnâ cû ipso cantantiû *Glo-*
riam Excelsis Deo; qui denique
Virginem & Iosephum monu-
it, vt in Aegyptum concederët,
ac postea reuerterentur. Assi-
stent deinde illi, qui Saluatori
in deserto ieiunanti ministran-
tes, cibum attulerunt; item, qui
oranti in horto apparuit, qui
sanctis mulieribus Dominum
à morte resurrexisse nuntiarüt,
denique illi, qui in Domini ad
caelos ascensu Apostolis secun-
dum illius ad iudicium aduen-
tum significarunt. Ex hæctenus

L F dictis

62 SPIRITVALIS

dictis colligere fas est, qua fideles in sancto Dei templo versari conueniat reuerentiâ, utpote cuius in conspectu tanta Angelorum consistit multitudo, ut proinde cum sancto rege David dicere possimus Psalm. 137. *In conspectu Angelorum psallam tibi, adorabo ad templum sanctum tuum, & confitebor nomini tuo.* Si porro cum Angelorum Dominum laudantium vocibus mea vox iungenda est, facile appareret, quàm benè sonet, & quàm ea pura sit oporteat.

CA